



САМУРДИН

ССС

«Магъарамдхуьруьн район» МР-дин
общественно-политический газет.
Общественно-политическая газета
МР «Магъарамкентский район».

Газет 1951- йисалай акъатзава. № 8 (7776) киш, 27- февраль, 2016- йис. Къимет 6 манат.

СТХАВИЛИН ЧЕШНЕ

МОСКВАДА Россиядин халкъарин Ассамблеядин советдин ва Россиядин халкъарин Жегъилрин Ассамблеядин центральный координационный советдин саналди тир заседание хъана. Анал Дагъустандин милли политикадин рекъяй министр Татьяна Гамалея РД-дин Къил Рамазан Абдулатипован тебрик раижна. Вичин рахунра министрди бинелу саки 30 халкъдин векилар стхавилел-

ди ва дуствилелди яшамиш жезвай Дагъустан гзаф миллетрин векилрикай ибарат, гзаф динрал амалзавай агъалияр стхавилелди, ислягъвилелди яшамиш хъунин чешне тирди къейдна.

«Россиядин халкъарин Ассамблеядин делегациядин руководитель Николай Бухонин РД-дин Къилихъ галаз гуьруьшмиш хъайи чавуз Кеферпатан Кавказда милли политикадин месэляяр гялунир ре-

къяй регионрин уртах центр Дагъустанда тешкилунир месэла къарагъарнай. И фикир хъсанди яз гъисабна ва адаз мукъвал тир вахтара республикадин руководстводин, чкадин самоуправлениедин ва миллетрин арада ислягъвилдин, меслятвилдин месэлайрал машгъул жезвай общественный организациядин дережада аваз килигда», - малумарна Т.Гамалея

КЪИЛ ЧІУГУНА

ВАТАН хуьзвайбурун юкъуз РД-дин Къилин Къиблепатан территориальный округда тамам ихтиярар ганвай векил Али Хасбулатова, Магъарамдхуьруьн муниципальный райондин къил Фарид Агъмедова ва адан сад лагъай заместитель Гъабибуллагъ Мурадалиева, Сулейман-Стальский райондин муниципальный райондин къил Нариман Абдулмуталибова Ватандин Чехи дяведин ветеран Нисред Къурбанович Амрагъовал къил чіугуна.

Али Хасбулатова РД-дин Къил Рамазан Абдулатипован тварунихъай ветерандиз сувар тебрикна ва дяведин къизгъин женгера къалурай дирибашвиляй ва уьткъемвиляй сагърай лагъана.

Ветерандиз хуш жедай, риклел аламукъдай, руьгъ хкаждай гафар Фарид Агъмедовани лагъана. Ада Ватандин Чехи дяведин ветеранри къалурай виклегъвилер акъалтзавай несилри гъамшалугъ риклел хуьдайди ва абур чеб жегъилриз чешне яз жедайди къейдна.



Нисред Амрагъова вичиз мугъман хъунай, сувар тебрик авунай мугъманриз ва республикадин Къилиз риклин сидкъидай сагърай лагъана.

ЦЕНА ДОВЕРИЯ - ВЫБОР!

НА ПОЛИТИЧЕСКОЙ арене нашего государства лидер должен обладать многими качествами и навыками. Прежде всего, во главе любой структуры должен стоять руководитель, обладающий большим запасом личностных качеств, а особенно гибкостью и дипломатией. Только с таким багажом качеств руководителя, общество будет ему доверять.

Время нам диктует свои правила и условия во всех сферах современной жизнедеятельности. Всё развитие ци-

Глава районной администрации является ключевой фигурой. Результаты опроса о выявлении общественного мнения о главе муниципального района "Магарамкентский район" Ахмедов Ф.З. показали, что Фарид Загидинович в первую очередь обладает набором деловых качеств, как залог успеха взаимодействия с людьми. По ответам респондентов мы поняли, что выявилась тиерархия качеств, а именно Ахмедова Ф.З: активность, работоспособность, опытность, инициативность, коррек-

тан деятельность главы МР "Магарамкентский район" оценивается положительно, более того, официально признан факт, отмечающий лучшую работу в антитеррорстическом направлении по району. А это значит: берегут наш покой! Задайте себе вопрос: что самое страшное в нашей жизни?! Ответ будет однозначным: потери, смерть, война.. Вот вам т о т в е т ! Аппаратом АТК РД дана самая высокая оценка деятельности антитеррорстической комиссии Магарамкентского района. Правительство РД в лице Президента, совместно с Меликовым, лично поблагодарили и наградили Ахмедова Ф. за эти успехи.

Открылась птицефабрика, которую Ахмедов Фарид дипломатично "заставил" построить на территории именно Магарамкентского района. А это для нас столько рабочих мест в наше время безработицы. Скромно скажем о том, ценой каких усилий Ахмедов Фарид добился строительства моста на реке Самур.

А это экономия времени и топлива для нас, для простого народа. И таких моментов в его политической деятельности достаточно, чтобы дать объективную положительную оценку.

Так давайте научимся ценить хорошее в жизни....а с проблемами в нашей трудной жизни надо бороться вместе. Не зря мудрецы говорили в старину: "Один в поле не воин". Но этому нам надо еще научиться!

Г. ЗАКУЕВА,
депутат районного
Собрания.



визации, и вместе с тем отношения между властью и народом идет по кругу. Мир вокруг нас постоянно меняется, и мы вокруг него. Каково же представление людей о лидере?! Совсем недавно считали, что достаточно одной авторитарности. Сейчас видение лидера рассматривается под более продуктивным углом зрения. В условиях современного мира с его явлениями глобализации и виртуализации у людей складывается определенный стереотип образа лидера.

тность, решительность, искренность, уверенность, доброта.

Мы все прекрасно знаем, что живем в нелегкое время и добиться определенных успехов не так-то легко. Наша общая беда в том, что мы ищем негативное больше, порой закрывая глаза на позитивные моменты. Но как говорится, все познается в сравнении, и это поможет нам понять правду сквозь призму настоящего времени, понять правду в структуре иерархии общего обзора на жизнь в целом в государстве, республике, районе и т.д.

Сегодня в республике Дагес-

**ДУЪНЪЯДИН ХАЛКЪАРИН
ДИДЕД ЧІАЛАРИН ЙИКЪАЗ
ТАЛУКЪ ЯЗ**

*Зун лезги я, лезги чІалал рахазва,
Заз дидедин къамат адай аквазва.
На лугьуди, диде завди рахазва,
ЧІални диде, къеведни сад хьиз багъа я.
Гъулангерек Ибрагъимова.*

ЛЕЗГИ ЧІАЛАН ГЪАФТЕ



МАГЪАРАМДУХУРУЪН М. Гъажиеван тІварунихъ галай I-нумрадин школада 8-15-февралдиз лезги чІалан гъафте кыле тухвана. И гъафтеда дидед чІалан малимри ачух тарсар тухвана,

аялри хайи чІалакай сочиненияр кхъена, машгъулардай жуьреба-жуьре мярекатар тешкилна.

ЧІалаз и тегьерда фикир гуни хайи чІалан гуьрчегвал, адан къуватлувал ва назиквал

гъисс ийиз тазва, ам кІанарзава, адан эвез тежедай метлеблувал къалурзава.

Къилин категория авай малимар тир Эфендиева Саидади ва Алибутаева Анфисади тухвай тарсар иллаки вини дережада аваз кыле фена.

Лезги чІалан малим Румеса Гъажиевади тухвай мярекатда неинки дидед чІалан вири малимри, гъаКІ школадин директордини, завучрини, и школада дидед чІалан тарсар гайи, гила лайихлу пенсияда авай Агъалар Гъуьсейновани иштиракна.

Мярекатдал аялри хайи чІалакай шириар кІелна, манияр лагъана. Адан иштиракчийриз халкъдин манияр (Пенкер баха, Шагъсенем, Савдадавай яр...) иллаки бегенмиш хъана.

Ихътин ва идаз ухшар авай маса мярекатри хайи чІалан ватанпересвал, маналувал, къудратлувал къалурзава, ам кІанарзава.

Р. ГЪАЖИЕВА,
лезги чІалан малим.

АЯЛРИН СОЧИНЕНИЙРАЙ

ЧИ ЧІАЛ чаз бубайрилай атанвай еке савкъват я. Лугьуда хьи, вахтуниз вири аквазва, вири чида. Гъавилай чна чи чІал ми хьиз хвена къевезвай несилрив агакъарун чи буржи я.

Х. АБАСОВА.
8-в класс.

ДУЪНЪЯДАЛ ругуд агъзурдав агакъна алай чІаларикай сад лезги чІал я. Ам чаз ата бубайрилай атанвай, са затІунивни гекъигиз тежедай аманат я, халкъдин хазина я. ЧІал амай къван халкъни амукъда. Ам чи халкъди

дегъзаманайрилай гъиле яракъ къуна хвена. За умудзава, идалай къулухъни гъаКІ жеда, халкъди ам вичин вилин нине хьиз хуьда, ам мадни девлетлу жеда.

Азиза ГЪАЖИЕВА.
10-в класс.

ГЪАР СА КАСДИЗ вичин Ватан виридалайни багъа я.

«Ватан диде я», - лугьуда халкъди, вучиз лагъайтІа дидедалай багъади авач. Дидедихъ галаз ам рахазвай чІални багъа я. Зи дидедин чІал лезги чІал я. Ам, диде хьиз назик, къуьтуьл, ширин я. Ам заз дидеди лайлаяр ягъай чІал я. А

чІалал зи сиввай сифте келимаяр акъатна.

Аслан АЛИБУТАЕВ.
9-б класс.

ЗИ ЛЕЗГИ ЧІАЛ

*Зи лезги чІал, дидедин чІал,
Захъ авай са багъади.*

*Ширин я ви лайлайдин ван
Виридалай алади.*

*Шарвилини къванцин гада
Ви далудихъ дагъ хъана.*

*Эминани Сулеймана
Чаз ширрин багъ туна.*

Б. СЕЙФУЛЛАЕВА,
11-б класс.

ЮБИЛЕЙДИН ВИЛИК

СА ЛЕГЪЗЕ ХЪИЗ

И МУКЪВАРА чна вирида гъурметзавай, цлудралди несилпри дамахзавай, гъурметлу районзгъли, уьмуьрдин вафалу юлдаш, играми буба НУРАЛИЕВ АБУБАКАР КЪУРБАНАЛИЕВИЧАН 80 йисан юбилей къейдда!

КИШ юкъуз малимдин квалер авай магъледиз гъахайла зи хиялрикай хабар хъайи хъиз зи туьшдиз юзун квачир къекъунралди хуьруьн кимел физвай малим акъатна. Салам гана малимдиз жуван дерди-бала лагъайдалай гуьгъуьниз чун кьведни адан квалихъ элкъвена.

Ана чун элкъвей лацу чинал берекатдин хъвер алай, Абубакар малимдиз квалени, къецени, квалалахал школадани вафалу юлдаш хъайи, цуьк хътин кьуд велед багъишай уьмуьрдин юлдаш Римма Ибадуллаевнади кършиламишна. Хваш-беш авурдалай гуьгъуьниз, за малимдиз зун атуьнин сеbeb лагъайла, ам са герен перишан хъана ва явашдиз ухът аладарна:

-Чан руш, авайвал лагъайтла, малимдиз гуьгъуьл хадай са жерге квалалахар хъанва. Юбилеяр къейддай гъевес захъ авач, амма веледри динж тан тийидайдини заз чизва.

-Къенин чи ихтилат кьве дустунин арада жезвай суьгъбет хъиз фенайтла кланзавай зи риклиз. Куь алакьунрикай, агалкьунрикай, лайихлувилерикай тек са райондин ваъ, гъакл республикадин, улкведедин газетра, журналра гзаф материалар чапнава. Къе заз куьне 80 йисуз кечирмишай уьмуьрдин рекьикай, къекъвей жигъиррикай, элячлай четин уламрикай, шад легъзейрикай суьгъбет авунайтла кланзавай.

- Хъуй ман чан малимдин,-



лагъана дериндай ухът аладарна ам са гъвечи кисна, ахпа ви- чикай суьгъбет башламишна.

-Зун 1936-йисуз Ахцегъ райондин Ялцуьгърин хуьре дидедиз хъана. Аял вахт, за фикирзавайвал, зи уьмуьрда виридалай туькьуьлди хъана. Башламиш хъайи залум дяведи гъа девирдин инсанрин экуь мурадрилиай цлар члугуна. Къвачи беъем чил къадалди диде рагъметдиз фена, са йисалай дяведа авай бубани телеф хъана лагъай хабар агакъна. Пуд йисуз Ахцегъа детдомда хъана. Гуьгъуьнлай имидин хци зунни кьве вах вичин квализ хутахна. Я етимвал гъиссиз тунач чае, я чаз тахайвал акунач. Ирид йисан школа акъалтларайла Дербентдин педучилищедиз гъахъна ва 1955-йисуз ам акъалтларна. Са шумуд вацра Чилихърин школада тарсар гана. Гуьгъуьнлай Ватандин вилик жуван пак бур-

жи тамамариз фена. 1958-йисуз женгинин ва политикадин гъазурвилдин рекъай отличник яз старшинадин чин авай заз ВЛКСМ-дин ЦК-дин «Гъурметдин грамота» гана ва заз ВУЗ-диз гъахъдай мумкинвал хъун патал вахт жедалди ачух хъувуна. За Даггосуниверситетдин историко-филологический факультет акъалтларна. Са къадар туькьуьлди башламиш хъайи уьмуьрдивай за артух шейэр гуьзетна-вачир. Амма кечирмишай уьмуьрдин рекъе гъалтай инсанрин регъимлувили, мергъяматлувили, гайи куьмекри заз чилел мягъкемдиз акъваздай, жува хкъагъай рекъе намуслувилелди зегъмет члугвадай мумкинвал гана. Муьжуйд йисуз

бубадин сурухъ къекъвей зи сабурсуз риклин гъарайдиз гъай лагъана. Зи буба Орловский областдин Калинеево хуьруьн майдандал стхавилин сурара кучуд хъувунвай. 1973-йисан 9-майдиз рикл дамахдин, гъайифдин гъиссерив ацланвай зун руш Заирани галаз бубадин сурал фена. Гъанин инсанри чун кършиламишайвал, чахъ гелкъвейвал акурла, жував гвай залан пар са къадар кьезил хъанай. Амма, гъайиф хъи, гъикъван зун къекъвенатлани я бубадин, я дидедин шикилар заз гъатнач, я абурун суьретарни зи фикирда амач.

-1963-йисуз Советск хуьруьн школада завуч яз, 1968 – йисалай гъа и школадин директор яз яхцилур йисуз зегъмет члугуна. Четинвилер гзаф ацалтнатлани, баябан чкадал 624 аял къабулиз жедай школа эцигунин месэла кьилиз акъуд-

ЮБИЛЕЙДИН ВИЛИК

ФИЗВАЙ УЪМУЪР

на. И кардик чпин лайихлу пай кутур Ибадуллагъ Керимован, Низам Нуриеван, Шамил Абдухаликьован тӀварар къун тавун батӀулвал жеда. Жув директор хъайи сифте йикъалай кьве кӀвалах кьилиз акъудда лагъана жува жуваз гаф ганвай. Сифте нубатда школа эцигун ва хъсан коллектив тешкилун. Школа хъана, коллектив тешкилна, жуван кеспидин важиблувал гъиссна галатун тийижиз зегъмет чӀугуна. Ихътин гъакъисагъ зегъметди бегъерар гуз башламишна. И карди зун хъиз, коллективни гъевеслу авуна. Яваш – яваш школадин тӀвар лайихлубурун жергеда гъатна. Зи далудихъ галай коллективди гъар са камуна къуват гана. Инсанвилдин алакъаяр хуьни, гъар са касдин хесетрикай анжах хъсан кьилихар дуьздак акъудуни алакъаяр генани мягъкемарна. Мягъкем алакъайри коллективдин кӀвалахни нетижаллуди авуна.

Дугъриданни, эхиримжи къад йисуз школа, адан коллектив ва Абубакар малим вич лайихлу хъайи наградайриз сан-гъисаб авач. Школада кӀелзавай аялри райондин, республикадин олимпиадайра, гъар жуьре кон-

курсра кӀвенкӀвечи чкаяр къаз хъана. Гъинал Абубакар малимдикай ихтилат кватайтӀани, адан адресдиз анжах хуш келимаяр, тарифар ва хийир-дуьа ван къвезва. Им яргъал йисара гъакъисагъвилелди чӀугур дурумлу, жавабдар зегъметдин нетижая. КӀвализ хтана фу тӀуьна малимди школадиз гъерекатдай. Малимрин коллективдилай гъейри ада вишералди аялрин гъакъиндай жавабдарвал гъисзавай. Вичин пешедал рикӀ хъайи, ам карчивилелди тамамарай Абубакар Къурбаналиевич цӀудралди райондин, республикадин ва уьлкведин наградайриз лайихлу хъана. Наградаяр Абубакар малимдихъ къанни вад ава. Абурун арада «РСФСР – дин лайихлу малим», «Халкъдин педагог», «Яратмишзавай педагогрин академиядин академик» тӀварариз, «РСФСР-дин халкъдин просвещениедин отличник», са шумуд йисуз галамаз-галамаз «Социалистический акъажунрин гъалибчи» значокар хътин наградайрин сагъибди чи обществодин нурлу къатар мадни экуь ийизвайдан гъакъиндай шагъидвалзава.

Акьалтзавай несилдиз дерин чирвилер, мягъкем тербия гайи

малимди вичин уьмуьрдин юлдаш яргъал йисара къуьнкъуьне аваз малимвилдин зегъметдин уькӀуь-цуру дадмишай Римма малимни галаз къуд тербияллу велед уьмуьрдин шегъредал акъудна. Абурухъ махсус образование, чпин хизанар ава. Веледри Абубакар бубадизни Римма дидедиз цӀикъвед хтулни са десте птулар багъишнава. Хтулар чӀехи диде-бубадин гелерай фенвачтӀани, абуру агалкъунралди медицинадин, экономикадин ВУЗ-ра кӀелзава.

ЯхцӀур йисалай виниз акьалтзавай несилдиз мягъкем тербия ва дерин чирвилер гайи, баябан чкадал школа хкажай, къуватлу коллектив тешкилай, анжах тарифлу зегъметдин иеси хъайи Абубакар Къурбаналиевичаз мукъвара къейддай 80 йисан юбилей чна риклин сидкъидай мубаракзава. Къуй и еке хизандин кьиле акъвазнавай квехъ яргъал йисара чандин мягъкем сагъвал ва уьмуьрдин хушбахтлувал хъурай!

А. АЙДЕМИРОВА.

Шикилда: А. Нуралиев директор хъайила 1999- йисуз школа акьалтӀарай ученикар ва малимар.



АЯЛРИН БАХЧАЙРА

**СУВАРИК ХЪИЗ
ЕРИМИШЗАВА**

АЗАДОГЪЛИЙРИН хуьре кардик квай бахчада 23 аял тербияламишзава. Абуру иниз гъар юкъуз суварик хъиз еримишзава. Бахчадиз къвезвай аялар гъар жуьре яшаринбур ятлани, абур дуствилелди ва гъуьрметлу са хизан хъиз яшамиш жезва. Бахчадин дарамат са акъван чехиди туштлани, ина кваллахзавай работникрин гъевеслу зегметди ам къулай шартлар авайдаз элкъурнава. Квалера, гъаятда авай ми хъивили, къайдади неинки аялрин, гъакI абурун диде-бубайрин гуьгъуьларни хкажзава.

Бахчадин руководитель Нурият Сейфединовнади вичин пешекарвилдин дережа хкажун, кваллахдин ери югъкъандавай хъсанарун патал ара датлана кваллахзава. Гъа и кар ада ина кваллахзавай гъар са работникдивайни ис-

темишзава. Гъавилияй бахча аялар патал къвед лагъай хайи кваллизни элкъвенва.

«Булах» бахчада суварриз гъазур хъун, абур шаддиз ва гурлуз кыле тухун чуриз тежедай къанундиз элкъвенва. Ихътин мярекатриз гъазурвал аквадайла, абур кыле тухудайла диде-бубаярни къерех жезвач.

Гъа ихътин суваррикай сад тир Ватан хуьзвайдан юкъуз чи бахчада чехи ва шад межлис кыле фена. Аялри чпин алакьунар къулуруналди шиирар келна, манияр лагъана, къуьлер авуна. Абуру гъвечли сегънеярни къалурна.

Бахчадиз аялрин суварик атай диде-бубаяр, хуьруьн школадин малимар ина кваллахзавайбурулай, бицлекрин алакьунрилай рази яз ва гуьгъуьлар шад яз хъфена.

Нелла ОСМАНОВА,
«Булах» бахчадин
тербиячи.

Шад мярекат

ВАТАН хуьзвайдан суварин вилик Советск хуьруьн «Яру баплах» бахчада сувариз талукъарнавай шад мярекат кыле фена. И мярекатдиз Афгъанистанда кыле феи дяведа иштиракай хуьруьнвияр тир Э. Асваровазни Д. Гъасаналиеваз теклифнавай.

Мярекат сифте гаф рахуналди гъа и бахчадин заведующий З. Муртузалиевади ачухна. Гаф гана рахай хуьруьн администрациядин кыл Э. Асварова, ветеран Д. Гъасаналиева чехи бубайри тухвай женгерикай, чпи иштиракай дъяведикай, алай вахтунда дъуньядин гъаларикай аялриз геъгеншдиз суьгъбетар авуна. Абуру акъалтзавай несил ватанпересвилдин гъиссералди тербияламышунин важиблувални къейдна.

Ахпа тербиячияр тир Р. Эфендиевадини С. Агъмедовади чехи дестедин аялрихъ галаз гъазурнавай концерт гана. Аялри лагъай манийри, авур къуьлери, келай шиирри ветеранрин гуьгъуьлар шадарна.

А. АЙДЕМИРОВА.

АДЕТ ХЪАНВА



МАГЪАРАМДХУЬРЕ авай «Теремок» бахчада суварар шад гъалара къаршиламышун адет хъанва. Ина Ватан хуьзвайдан йикъаз талукъ яз чехи мярекат кыле фена. Аялрин суварик атанвай Афгъанистандин вакъиайрин иштираки, женгерин наградайрин сагъиб Гъабидин Алиева вич шагъид хъайи вакъиайри-

кай аялриз гъавурда акъадайвал суьгъбет авуна. Гуьгъуьнлай суварин шадвилер яргъалди давам хъана.

Э. ОРУЖЕВА,
бахчадин тербиячи.

Шикилда: рикел аламуькдай шикил. Юкьвал мугъман Г. Алиев.

ОБРАЗОВАНИЕ

**ШАД ХАБАР**

И МУКЪВАРА райондин РМК-дин базадал кыле фейи клелдайбурун конкурсда Хуьрелрин хуьруьн юкьван школадин II-классдин ученица Загьирова Ирина I-чкадиз лайихлу хьана.

Иринади вири предметрай хьсан кыметар аваз агалкьунралди клелзава.

Школадин общественный уьмуьрдани активвилелди иш-

тиракзава, ана кыле физвай гьар са мярекатдик вичин лайихлу пай кутазва. Гьам аялрихь, гьам малимрихь галаз хуш рафтарвилин алакьяр хуьзвай Ирина Радиковнадихь мадни еке агалкьунар хьун чи мурад я.

Школадин коллективди, Иринадиз хьанвай агалкьун мубаракзава.

Хуьрелрин школадин коллектив.

**АГАЛКЪУН
ТИКРАРНА**

«ЙИСАН МАЛИМ - 2016» конкурсдин райондин этапда иштираккай Уружбайрин юкьван школадин малим Казибат Леонардовнади республикадин этапдани иштиракна. Ина Казибат малим 2-чкадиз лайихлу хьана.

Казибат Леонардовнади Уружбайрин юкьван школада дидедин члалан тарсар гуз цуд йисалай виниз я. Хянавай пешедал, аялрал рикл алай, хьсан гьазурвал авай, аялриз дерин чирвилер гуз алахънавай Казибат малимдиз гьам коллективда, гьам диде-бубайрин арада еке гьуьрмет ава.

Чна Казибат Леонардовнадиз и агалкьун мубаракзава ва адахь залан, амма баркаллу зегьметда мадни кьакьан дережайриз хкаж жедай гьевес хьун чи мурад я.

**НУБАТДИН
КОНКУРС**

ЧИ ШКОЛАДА «Живая классика» лишандик кваз шиирар

УРУЖБАЙРИН ХУЬРУЬН ШКОЛАДА

келдайбурун конкурсдин школадин этап кыле фена. Конкурсда 5 – II – классра клелзавай аялри иштиракна. Абуру программадай кьвен тийизвай шиирар эсерлудаказ клелна. Школадин этапда Д.Мелибабаевади, К.Къазиагьмедова, Н.Гъажиметовади I – чкаяр ва Н.Мирзабековадини Н.Керимовади 2 – чкаяр кьуна.

Гъалиб хьайи аялриз школадин дирекцияди грамотаяр гана. Сад лагъай чкаяр кьурбуру райондин этапда иштиракда.

ЕКЕ ГЪЕВЕСДАЛ

ЧИ АЯЛРИ Оренбург шегьерда кыле фейи «Новый год шагает по стране» конкурсда иштиракна ва абур гъалиб хьана. Республиклай кьеце ихьтин гъалибвилер къазанмишай аялрин тварар чна дамахдалди къазва; Э.Абдурагьманова, Д.Мелибабаева ва Р.Мелибабаев I – чкайриз, Х.Абдуллаевани Г.Велиева 3 – чкайриз лайихлу хьана.

Гъалиб хьайи аялриз грамотаяр ва сертификатар гана.

**ЧУН
ТЕРРОРИЗМДИЗ
АКСИ Я**

«ЧУН терроризмдиз акси я» лишандик кваз тухвай мярекат аялрин рикел аламукьдайди хьана.

И мярекат Уружбайрин школадин организатор Н.Темирхановади ачухна ва кыле тухвана. Анал рахай гьа и школадин директор К.Гъажиева алай вахтунда терроризм хаталубурукай сад тирди, адахь галаз женг члугун патал вирида кьуватар сад авуна мукьяятвал хвена кланзавайди лагъана.

Мярекатдал Бесланда, Къизлярда хьайи террктар ва анра са тахсирни квачиз телеф хьайибур рикел хкана.

Эхирдай аялри шиирар клелна, «Чаз дяве кландач», мани тамамарна.

З, АБДУРАГЪМАНОВА,
Уружбайрин школадин малим.

ДЛЯ ЗАЩИТЫ ОТ ЭКСТРЕМИЗМА

УВАЖАЕМЫЕ ГРАЖДАНЕ! Вы можете сообщить анонимно информацию о происшествиях, о совершённых и готовящихся преступлениях экстремистской направленности и террористического характера в электрон-

ной форме на сайте cenfrkfo@mail.ru. По почтовому адресу (360003, Кабардино-Балкарская Республика, г. Нальчик, ул. Ногмова, 49, Центр по противодействию экстремизму (дислокация г. Нальчик) Главного управления Министер-

ства внутренних дел России по Северо-Кавказскому федеральному округу) позвонить по телефону доверия- 8-800-200-02-21.

Большое спасибо за ваш вклад в противодействие экстремизму и терроризму.

Центр по противодействию экстремизму.

ДЕРЕЖА АГЪУЗДИ ЯЗ АМА

РД-дин ТФОМС-дин Магъарамдхуруён филиалди къабулзавай са жерге серенжемризни килиг тавуна, райондин медицинадин учрежденийра официальный сайтра медицинадин куьмек гунин къайдайрин ва шартларин гъакьиндай информация гуниг кваллах гъеле агъуз тир дережада ама.

Медицинадин организациери МО-дин кваллахдин режимдин; РФ-дин гражданриз медицинадин гъакьисуз куьмек гуниг, гъа жергедай яз медицинадин куьмек гуьзлемушунин вахтунин гъакьиндай Территориальный Програмади тайинарнавай шартларин гъакьиндай; медицинадин гузвай куьмекдин жуьрейрин гъакьиндай; медицинадин куьмекдин ачухвилиг ва еридин лишанрин гъакьиндай, стационарный, гъакьиндай ва къулухъ ягъиз тежедай куьмек гудайла чарасуз ва важиблу дарманрин гъакьиндай, агъалийрин группайриз ва уьзуррин категоририг килигна ахъайзавай дарманрин гъакьиндай, РД-дин здравоохранениедин министерстводи

тестикъарнавай гъакьидихъ ийизвай куьмекдин гъакьиндай хабар гузвай информациядин стендар хъунин гъакьиндай «РФ-да медицинадин мажбури страхованиедин гъакьиндай «2010-йисан 29- ноябр-диз къабулай 326- нумрадин Ф3-дин истемишунрал амал ийизвач.

Гъа ибуруз ухшар авай делилар информациядин махсус стендарал ва интернетдин сетда МО-дин хсуси официальный сайтра хъун герек я. Ихътин информация тахъуниз къайда члуруниз хъиз къимет гуда ва гъа и кар медицинадин мажбури страхованиедин такъатрин гъисабдай медицинадин куьмек гунай гъакьин гун тимиларун патал себеб хъун мумкин я. Идалайни гъейри, 2013- йисан декабр-диз административный правонарушенирин гъакьиндай РФ-дин Кодексдик кутунвай статьяда къалурнава:

1. Гражданриз гъакьисуз медицинадин куьмек гуниг гъакьиндай хабардар авунин везифа къилиз акъуд тавунай административный жерме ийида:

а) къуллугърал алай ксар 5 агъзурдалай 7 агъзур манатдал къван;

б) юридический ксар -10 агъзурдалай 20 агъзур манатдал къван.

2. Медицинадин гъакьисуз куьмек гуниг къайдадин, къадаррин ва шартлувилиг гъакьиндай информация тахъунай-административный жерме:

а) къуллугърал алай ксар-10 агъзурдалай 15 агъзур манатдал къван;

б) юридический ксар- 20 агъзурдалай 30 агъзур манатдал къван.

Страховатнавай ксарин фикридиз: РД-дин ТФОМС-дин Магъарамдхуруён филиалда «Горячая линия» телефон кардик ква (8-872-255-18-28). Адай кваллахдин йикъара ва сятера вири куь ихтиярар члурай месълайрай зенг ийиз жеда.

Ю. БАЛАБЕКОВ,
РД-дин ТФОМС-дин
Магъарамдхуруён филиалдин
директор.

УВАЖАЕМЫЕ АБОНЕНТЫ МАГАРАМКЕНТСКОГО РАЙОНА

(Имеющие задолженность по оплате за потребленный объем газа)

Газоснабжающая организация ООО «Газпром межрегионгаз Пятигорск» ставит Вас в известность о намечающихся мероприятиях по ограничению подачи газа с 1 марта 2016 года.

Сообщаем, что согласно Постановлению Правительства РФ «О порядке поставки газа для обеспечения коммунально- бытовых нужд граждан» от 21.07.2008 года № 549, расходы, связанные с приостановлением и последующим возобновлением подачи газа оплачиваются абонентами. Более того, в случае непогашения абонентом в те-

чение 3 месяцев полной суммы задолженности, поставщик газа вправе расторгнуть договор поставки газа в судебном порядке, с последующим взысканием суммы задолженности и судебных расходов.

В случае непогашения Вами в добровольном порядке суммы задолженности, определенной решением суда, в отношении Вас органами, призванными обеспечивать исполнение решений суда, будет возбуждено исполнительное производство, что повлечет за собой начисление дополнительных 7% от общей суммы задолженности.

Учитывая вступившие в силу с начала 2016 года изменения в действующее законодательство, касающиеся лиц, допускающих просрочку оплаты потребленного объема газа, выражающиеся в повышении пений по ставке рефинансирования Центрального банка РФ до 1/130, газоснабжающая организация ООО «Газпром межрегионгаз Пятигорск» предупреждает Вас о незамедлительном принятии мер о погашению задолженности.

ООО «Газпром межрегионгаз Пятигорск».

Къилин редактор
А. ИСМАИЛОВ.

Редакциядин адрес:
368780. РД, Магъарамдхуруён район, Магъарамдхуур, Ленинан куьче, 4.

Газет гъафтада садра акъатзава.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Тешкилайди: «Магъарамдхуруён район» МР-дин администрация.
Адрес: 368780. РД, Магъарамдхуруён район, Магъарамдхуур, Гагаринан куьче, 2.

Газет РД-дин массовый информациядин такъатрин ва печатдин гъакьиндай РФ-дин законодательствода амал авунал гуьзчивал ва регистрация ийидай Региональный Управлениеди регистрация авуна. № Д-0174, 1996- йисан 10- июль.

Чап ийиз вахкудай вахт - 16.00.
Чапун патал къул члугуна- 15.00.

Газет ООО «Самур» типографияда гъазурна ва гъана чапна. Издателдин адрес: 368780. РД, Магъарамдхуруён район, Магъарамдхуур, Ленинан куьче, 4. Лезги члал.

Индекс 63340. Тираж 1668.
Заказ № 8.

6+